


偏以施之勞臣任士臣竊痛之且諸臣之接跡蒙譴者 皇
上或以薦舉不當疑其黨狗彘之時四岳不薦絲乎績用弗
成初未并四岳殛之也凡銓司一應選擢為聖慮所用果循
資配資望皆當令其啟事如效庶譽毫無積薪之歎而以黨
似狗亦解矣 皇上或以執奏不移疑其藐抗漢帝不從廷
尉之請乎亦以張釋之曰法如是止耳不特在法吏也凡諸
司風紀成憲為明問所及者果引例據典皆當令其各舉毋
廢庶小人無倖逆之心而藐抗亦道矣 皇上或以屬官之
失并罪堂官然今堂官之外又有堂官故公忠之說統領以

一鳴斥而端亮之長欲引以去何如還其堂局之常可以事
權而課功罪也 皇上誠以官守之故并罪有言責者今之
有言責亦難矣言責之中又有官守身掖垣而務諸曹精力
既若守營封駁而勤差委輕重又不測倒置乎何如專其言
責可定功罪而廣忠益也 皇上以策勵望諸臣于是多戴
罪然秉鉞之吏節制之體統多淆持斧之使激揚之故事亦
隔夫不開以功罪之路而僅戴罪將戴罪無已時矣 皇上
以詳慎望諸臣于是多認罪第臣誼過當歸已而恩亦待察
若不晰其認罪之心而槩以免究寬之并認罪亦成故套矣



積誤封疆之庸撫僂之宜也恐法紀易伸情面難破今之建
牙者豈盡感主爵為若已哉封疆有限庸撫無窮在不以輕
任為輕僂侵欺糧餉之墨吏逮之宜也恐夷由之侶不皆韓
范胡來而我衄豈盡以呼庚癸者往哉 皇上宜稍寬大吏
聽其菟繕願私士募死問又在不以清吏詘能臣今諸臣怵
叅罰之嚴帶征餘征將無民矣民窮則易與為亂 皇上寬
一分在臣子即寬一分在民生如此諸臣幸無罪矣臣尤望
皇上官府之際推諸臣以心進退之間與諸臣以禮申諭中
外法守勿畏勿怵錦衣禁獄非有寇賊奸宄不可入理待者


必不可入而謂大小臣工不圖報而茂績安壤者未有也

文選司員外郎牟道行言會推屬冢臣主持臣絕不一預聞
上以支飾鑄一級命侍郎傅淑訓署吏部印

甲申檢討楊觀光言兵變乞登萊等酌議蠲租以示優卹疏
上報可

乙酉山海關提兵官趙率教入援遇戰于遵化中矢死之

丙戌建 圍遵化奸人內縱火各奔救衆潰巡撫王元雅自
經推官何天球保定推官李獻明知縣徐澤教諭曲毓齡中
軍彭文炳守備徐聯芳死之連陷撫寧 上召廷臣于平臺



責邊計無一效問方略命廷臣署舉分曹諮試

起前登萊總兵官楊國棟鎮守通州貴薊遠總兵官朱國彥
以退屯三屯營戴罪自効

丁亥遵祀報至人心大震

廢吉士劉之綸奏言國家養士三百年豪杰誰不思望風而
自効于闕下者但此輩不屑奔走于庸夫俗子之前而又不
能夤緣要結以展布其用若招徠而鼓舞之則一人可當千
百之用矣伏惟 皇上惕然改圖破庸俗之調開功名之門
選任豪杰凡戰守之方犄角之術一切惟其所欲為如能決


策捍都城使戎騎不至近郊予之爵賞能控通州昌平決戰
不犯山陵不扼餉道予之爵賞又奸宄易生及今預輯又上
三事各薦舉選援將運通州天津漕糧議城守

日講官左庶子丁進言邊事

都督大同總兵官滿桂以五千人入援 上召賜玉帶貂裘
封東平侯請馬三百

三屯營副總兵朱來等夜遁總兵朱國彥怒甚榜逆將名氏
于市散貨享士北拜同婦張氏自經

戊子巡撫四川張論至瀘州水西安位乞降以原貴州土司




令請于提督朱燮元檄安位諭以內附許自新位疑未決其
群目集兵迫脇諸小種號三十萬以抗燮元大會諸將誡之
曰水西地深昧而多山險谿谷篳菁之間霧瘴陰雨莫辨昏
旦林多蝮蛇猛獸即不戰鬥而兵自疲且陝不通車水不渡
舟奉饗者無以達也我深入陷伏卒以此敗因致之鬪未可
輕也必屯險要四面迭攻漸次蕩滌使資儲空竭賊必自斃
自是漸進邀擊百餘人漸獲過當得嚮導輒發窖粟就食賊
飢甚斗米五六金劉養鯤密遣人入大告焚宮室懸榜而出
安位大恐乞降燮元要以四事欲降者當如先朝制通九驛

獻故勅通挽者及蘭部逋人并貶宣慰秩安位從其二集四
十八日降誓不叛燮元受之而水西亦厭兵遣使乞降

已丑諭諸臣率家人協同城守給守卒人每各五錢
召戶兵大臣錦衣衛官于平臺

吏部左侍郎成基命為禮部尚書兼東閣大學士直文淵閣
基命力薦承宗立命承宗以少師兼太子太師兵部尚書兼
中極殿大學士督理兵馬控禦東陸駐通州

庚寅增兵部職方司官郭士奇為郎中劉惟楨李孔度為負
外郎龔可明主事俱添注



召黑雲龍楊肇基及諸廢將

禮部請立儲命侯來春

下禮部作提督軍務勅令

督師袁崇煥入薊州以故提兵朱梅副提兵徐敷奏等守山海關叅將楊春守永平游擊滿庫守遷寧安都司劉振華守建昌叅將鄒宗武守豐潤游擊蔡裕守玉田昌平提兵尤世威仍還鎮護諸陵宣府提兵侯世祿守三河阮其西下保定提兵曹鳴雷遼東提兵祖大壽駐通州遇敵保定提督劉策兵亦至令還守密雲又游擊鍾宇中軍王應忠李應元為右


翼繼張弘謨而進中軍何可綱游擊靳國臣趙國忠孫志遠陳景榮陳繼都司劉撫民為中權繼朱梅而進繼祖大壽為後勅繼何可綱而進崇煥居中應援

辛卯遣乾清宮太監王應朝監視行營諭兵部募智勇

上御札付提督宋尚忠等凡差官選官出城俱驗放三

日一回奏

庶吉士金聲奏通州昌平為京師左右翼宜以重兵犄角而天津漕糧湊集尤急未敢為見將足任也草澤義士曰申甫朝士多知之屢薦未用願仗陛下威靈同申甫練敢戰之



士為 陛下逐敵東南從之申甫本游僧善小術嘗夜觀乾
象云木星入太微垣帝座前患在踰旬聲疏入立召見利口
稱知兵授都指揮僉書副總兵遂作戰車
上聞援薊各兵入城命閣臣令兵部議營城外聯絡犄角勳
戚科道監守城門

兵部尚書王洽下獄洽不習邊事聞警倉皇無以應遵化陷
再日始得報 上怒其偵探不明

壬辰勞督師兵三萬金


遣兵值建 于馬伸橋敗之副總兵周文郁啟督師曰馬伸

橋去薊城二十里必建 前哨其後大陣我當預計督師宿
東城以待

以都城懸簾狹薄下工部尚書張鳳翔及主事主史維堡唐
昌世于刑部獄

申用懋為兵部尚書庶吉士劉之綸為兵部右侍郎協理京
營金聲兼山東道御史監申甫軍給七萬金造車募兵

令總兵滿桂王威黑雲龍禦敵宣大總督魏雲中宣府巡撫
梁廷棟保定巡撫劉策河南巡撫范景文山東巡撫撫王建
羨山西巡撫耿如杞皆入援而應天巡撫曹文衡總督河道



李若星鳳陽巡撫李待問陝西巡撫劉廣生鄖陽撫治梁應澤浙江巡撫陸完學俱令勤王。

癸巳建卜晨過石門駙殺馬丞。

袁崇煥移營城外建卜

以二百騎嘗我聞炮而退竟不再見一騎。

立賞格購擒斬渠帥世都指揮使餘以是為差

甲午袁崇煥偵敵將潛越薊州而西即西追之犯薊州經玉田三河香河順義等縣皆陷。


丙申袁崇煥至河西務議趨京師副總文周文郁曰大兵宜趨敵不宜入都且敵在通州我屯張灣去通十五里就食于

河西務如敵易則戰敵堅則束崇煥不聽時命崇煥不得過薊門一步蓋先有言崇煥勾建卜而崇煥不知也。

黑雲龍補山海關總兵官楊肇基補薊州鎮總兵官。

命林弘衡盧承業催運通州糧楊國棟發兵護餉天津糧以漸致之其翟從義呂應仍各守要地劉策任解經傳駐通州。

丁酉孫承宗入朝崇煥抵左安門時戒嚴報不即入漏下始馳奏建卜薄城下都人競謂崇煥召敵上不能無心動滿桂侯世祿至京。




命錦衣衛僉書吳孟明與禮部左侍郎徐光啟分練京營兵
戊戌遣太監馮元昇等覈軍訖始下戶兵部發餉又太監呂
直勞軍萬金青鹽千戶米百石酒十樽羊百頭

順天府尹劉宗周上言大小臣工豈無一人足以當信任者
而以情面二字繫從猜疑識者窒之今日以第一 開示識
心為 之本如以不信文臣之故專付之武臣之手至文
文武之途分矣視舉天下無與于國而田舍一二內臣無可
同患難者自古未有官官典兵不悞國者不知危急敗亡之
日舍天下士大夫終不可與共安危 皇上亦以親內臣之


心親內外臣之心以重武臣之心重文吏則太平可致
建卜營通州北二十五分向彰義門天津密雲居庸關良鄉
固安

己亥賜袁宗煥玉帶彩幣六祖大壽玉帶彩幣四餘大將各
賜緋蟒衣一襲戶部給各軍芻粟已飢再日私掠
令叅將劉天祿夜襲敵營至高密店知有備不得入
諭提督京營襄城伯李守鐸協理京營兵部尚書李邦華右
侍郎劉之綸料理守禦事宜特命禮部左侍郎徐光啟左中
允李建泰指授訓練



庚子建下大至宣府搃兵侯世祿大同滿桂搃兵俱屯兵德勝門世祿避敵桂獨戰城上發大炮誤傷桂兵殆盡桂負創臥閔將軍廟中袁崇煥令都司戴承恩擇地廣渠門祖大壽陣于南王承胤等陣西北崇煥陣于西待戰午刻敵騎突東南我力戰敵卻而承胤徙陣南避敵還而西刀及崇煥材官袁昇高刃格之而折獲免南兵復合敵稍卻我力戰游擊劉應國羅景榮千總竇濬等追之運河敵騎多水陷殺傷千計我亦傷失數百人乙夜收兵上賜酒食勞軍詔曰朕惟蠻夷猾更自古不無雪耻除兇又藉群力朕奉天

御極思與華夏蒼赤共躋乂安建下本我命夷憑恃餘惡憫焉不逞越遠犯薊入我邊城將吏玩法忘戒致彼蹂躪謾薄京城已命六師干振警備于內閔寧諸兵堵截于外蠢爾醜類尚肆咆哮凡我臣民共宜蘊憤乃入衛兵將自大同宣府保定先至山西續報至山東河南延綏已經遣調尚未速赴遷延日久掃蕩無期赤子虔劉朕心何忍茲特詔諭省鎮文武官吏凡督撫有建牙之責即選精銳整器甲儲糧糗簡授賢將星馳赴援近地撫臣躬提入衛不拘部調原額所部人才有智略出眾勇力超群即隨軍奏聞其道將以下及副叅



游各官有志負吞胡才優克敵及廢閑將領家丁可當一部
撫按驗給遣發京城內外不論官士軍民能募士出奇或夜
劫營或焚攻具論功叙賞朕無所靳若奉調兵將逗留不前
專圖秉鉞坐視罔聞則逮問懲處有 祖宗之法在
辛丑刑部尚書喬允升薦故都督馬世龍故御史吳阿衡等
上從之即釋獄復官世龍殺敵自效阿衡監軍

壬寅開德勝門甕城休滿桂餘兵


癸卯建 徙屯南海子薄暮命督師進兵

甲辰召袁崇煥祖大壽滿桂黑雲龍及兵部尚書申用懋于

平臺崇煥不自安留中使于營自青衣玄帽入先張皇敵勢
聳朝臣莫成款議見 上亦然 上慰諭久之崇煥惧 上
英明終不敢言款第力請率兵入城不許賜貂裘銀盃甲滿
桂解衣示劄 上深閱之俱同出
丙午袁崇煥求外城休士如滿桂例并請輔臣出援不許
丁未建 攻南城官兵拒卻之

都察院都事張道澤論奏兵部尚書王洽協理京營戎政
兵部尚書李邦華以放炮誤傷軍士遂罷

戊申袁崇煥遣鄉導任守忠以五百人持炮潛攻建 于南



海子頰駭遁

己酉改李成名兵部左侍郎添設

錦衣衛指揮劉僑提督東司房

庚戌召大臣于平臺議軍務

巡撫陝西劉廣生奉命入援適子疹對督糧道洪承疇商雒道劉應遇而泣留八日而行至陝州命急殲流孽不必入衛時大盜混天王等掠延川米脂清澗等縣起前總兵杜文煥委剿將叅李重榮副之初賊至清澗田莊堡叅將石在廊與戰手刃數賊死之

十二月辛亥朔司禮太監沈良佐內官太監呂直提督九門及

皇城門司禮太監李鳳翔提督忠勇營兼提督京營

召袁崇煥祖大壽滿桂黑雲龍于平臺崇煥方遣副總兵張

弘謨等躡敵聞召議餉入見上問以殺毛文龍今逗遛何


也並不能對命下錦衣獄賜桂等饌隨遣太監車天祥慰諭

遼東將士命滿桂總理援兵節制諸將馬世龍祖大壽分理

遼兵桂前被流矢視之皆袁軍矢也崇煥固自任滅敵一旦

胡騎充斥惟死戰庶足贖而值敵輒避去或云其貽糧芻粟

食品物論籍籍是日敵移營而南




設還曰當滿桂戰敗事時謂督師對壘不發一矢非也桂
戰都城北崇煥戰都城內頗有殺傷弟先後間縱敵貽患
方在薊州獨不能躡其後掩襲之耶聞石門駙一小若駙
丞某率土人壘石塞徑被攻終日而陷苟矢志厲衆剪其
零騎俾斂寇不敢舉掠過其鋒于通州血決一血戰無鳴
鏑都門之下庶免于戾而崇煥智不出此豈刃在其頭不
覺冥蹈之耶至謂召敵脅款此無心胸者為之崇煥當不
其然但敵鋒方銳冀盟城下如唐渭橋之事稍逭目前則
崇煥微意有在然亦愚矣易曰負且乘致寇至然與非耶

南居益為工部尚書錢春為戶部左侍郎督理邊餉曹珍康
新民為右侍郎新民督理錢法

壬子建下陷固安蓋奸人導之自良鄉至也典史朱德死之
知縣劉伸遁走雄縣後遣戍初陷良鄉知縣黨還醇典史史
之陳教諭安上達訓導李廷表駙丞楊其禮俱死之

襄城伯李守鐸奏城上懸簾未便備命杖工部郎中許觀吉
管玉音朱長世周長應下錦衣獄觀吉長世創重卒

諭各營曰袁崇煥自任滅胡今胡騎直犯京城震驚宗社夫
閔寧將兵乃朕竭天下財力培養訓成遠來入援崇煥不能



布置方略退懦自保致胡騎搶掠百姓殘傷今言之不勝悼
恨令搃兵滿桂總理閩寧兵馬與祖大壽黑雲龍督率將士
同心殺敵各路援兵俱屬提調仍同馬世龍張弘謨等設奇
邊堵一切軍机聽便宜行事

癸丑 皇次子慈烜生中宮出

甲寅給申甫新兵所募多市乞識者知其必敗

遼東兵報潰遼兵素感袁崇煥滿桂與祖大壽又互相疑祖
大壽輒率兵歸寧遠以致遠近大駭初召逮崇煥時大學士
成基命睨大壽心悸狀因頓首請慎重者再敵在城下非他

時比

楊士聰曰己巳之變自嘉靖而後僅再見焉但士馬物力
仍足相當袁督師初至一戰人心始為稍定迨其後鈐制
諸將固不為無見而袁為人疎于大璫少所結好毀言且
日至竟罹極刑厥後搃督滿桂一戰而敗之安見鈐制諸
將為非宜哉乃都民亦群然以為奸臣賣國此等事人多
不敢言之


乙卯兵部左侍郎閔夢得為尚書協理京營

修賦役全書

國權

崇禎二年

六十三




丙辰煮粥賑飢民

諭孫承宗曰朕以東事付袁崇煥乃胡騎狂逞崇煥自任督師不先行偵防致深入內地雖兼程赴援又箝制將士坐視搶掠功罪難掩暫解任聽勘祖大壽及何可綱張弘謨等血戰勇敢可嘉前在平臺回諭已明今机有別乘軍有妙用今乃輕信訛言倉皇驚擾亟宜憬省自効或邀賊歸路或直搗巢穴但奮勇圖功事平論叙夫關寧兵將乃朕竭天下財力培養訓成又卿舊日部曲可速遣官軍布朕意仍星馳抵關便宜安輯大學士成基命奏以袁崇煥手札招大壽又條上

規畫 上俱從之

丁巳兵部主事錢元愨改吏部

少師督理軍務孫承宗奏遼東兵潰約萬五千人自通州南趨張灣臣聞之亟手札慰諭祖大壽并傳檄三軍令游擊石柱國飛騎追之僅見其尾弓刀相向柱國力諭諸將校亦多垂涕但曰主帥已慘又火炮殲我故勉至此柱國又前追大壽遠數十里諸將校且泣且戒柱國奮不顧臣思大壽危疑之甚又身貴不能受制同列故乘吏卒驚疑全軍盡潰陷人以自護非諸將盡叛也宜亟勅關內關外兩道慰諭將領解



散士卒大開生路以收人心 上從之大壽如抵山海關宣
聖諭吏卒乃安因令堵截建 之歸路自是大壽稱疾不復
視事矣

錦衣衛

史世載提督西司房

戊午金之後為大理卿孫居相為戶部尚書總督倉場

禁抄傳塘報

壬戌禁婦出城


癸亥建 夜傳矢固安趣諸部合戰明日出良鄉城棄婦女
已美

甲子孫承宗至山海關

丙寅許梁廷棟諭勳戚大臣助馬騾

張懋忠為錦衣衛南鎮撫司僉書

江西道御史高捷劾大學士錢龍錫曰袁崇煥罪案自定臣
不必言獨發縱指示之龍錫不勝傷心之痛前逮崇煥時大
壽口不稱冤兩日後颺去此非錫龍崇煥挑激之哉崇煥之
殺毛文龍也龍錫密語手書不一崇煥疏有龍錫低回私商
之局可覆按也又崇煥與王洽書言建 屢欲求教廟堂之
上主張已有其人又云文龍能協心一意自當無嫌無猜否



則斬其首崇煥劾提刀之力龍錫發推刃之謀宜今日龍錫
皺眉疾首不得不作同舟之救也有旨輔臣佐理忠順豈有
是事龍錫亦奏辨

陳盟曰或者謂文龍不殺建未敢深入崇煥欲與和反
受其間貝錦之譖雖為毛黨造成而崇煥專殺適自階禍
可慨也夫

丁卯設文武經略以梁廷棟滿桂為之各賜尚方劍營西直
安定二門桂始屯宣武門甕城內謂敵勁援寡未可戰中使
趣之亟桂不得已揮涕而出以五千人同孫祖壽等戰安定

門外並敗沒麻登雲黑雲龍被執申甫以七千人戰柳林大
井蘆溝橋亦敗沒都人大懼

刑部囚逸一百七十人即獲之


廣東道御史劉廷佐遣家出城鑄一級守門刑部右侍郎朱
世守鑄二級

戊辰諭刑部閱囚

薊州城東南角樓火

霸州道副使周詩棄城走命逮之

己巳奪刑部官俸二月



壬申錢龍錫引疾去

楊士聰曰毛文龍之死何所關於成敗之數自袁敗而議者執以為辭于是連及龍錫逮獄論死初華亭陳繼儒曾贊成誅毛帥之議錢既論死其弟家子弟日至陳家詬厲也辛未大旱釋死罪六臣龍錫與馬使其當近日韓城宜興之間豈復有餘生哉夫乃知人主用法以漸而手滑也癸酉巡撫山西耿如杞搃兵官張鴻功援兵潰于良鄉援兵皆沿邊勁卒竄走剽掠秦晉間李自成與之合眾至萬餘推高迎祥為首稱闖王自成為闖將

召周延儒李若星李成名羅喻義吳阿衡趙延慶喻思恂于平臺

甲戌兵部右侍郎劉之綸以二萬人出京禦敵

乙亥搃兵官馬世龍值建下于良鄉


進馬世龍武經略賜尚方劍

丁丑建下陷香河殺知縣任光裕攻三河不克

戊寅攻寶坻知縣史應聘拒卻之

刑部尚書喬允升侍郎胡世賞教維榮下錦衣獄

禮部左侍郎周延儒為尚書兼東閣大學士直文淵閣



已卯祖大壽奏述遼兵入援始末 上諭之復遵化援遼
建 陷玉田知縣楊初芳降


庚辰何如寵錢象坤並為禮部尚書兼東閣大學士直文淵
閣夜漏二十刻進辭表得旨趣受事

兵部右侍郎劉之綸求入通州城戶部主事林弘衍叅將魏
都梁不納即道掠

御史 追卹故經袁應泰殉遼陽之難詔議卹久之應
泰子貢士楷奏父死事狀并上其難遺疏云臣受命渡遼臨
之日見人心不固逆知遼事不可為是以有堊遼之疏今建

下攻遼十九日殺敵頗多二十日固守二十一日力竭而死
乞聖明收拾人心為恢復計臣臨死垂泣不知所云 上閱
之予祭葬贈謚

交首莫敬寬送岑繼綱思歸順撫臣以綱嗣職土目韋登猶
袒岑繼常陰圖內難撫臣檄中軍黃金玉擒登禁之始定



國權

崇禎三年庚午

正月辛巳朔四方塵晦

壬午宋偉以原官為總兵官鎮守山海關同梁廷棟馬世龍
征進王國梁以原官為總兵官鎮守山西鴈門等關領山西
援兵列營防禦事平回鎮

前庶吉士張星進鉛藥

刑科給事中王鳴玉以失糾刑部逸囚謫


國權

崇禎三年

一

藍官設遷孺木著

國立中央圖書館, NATIONAL CENTRAL LIBRARY, TAIWAN, R.O.C.



命郵故都督滿桂孫祖壽趙率教彭守印李標時兵部郎中
余大成以緩奏奪太僕少卿加銜兵科都給事中張鵬雲鑄
一級
建東趨永平夜抵宋莊距城五里初袁崇煥留守將楊春
千人守永平滿庫五百人守遷安

癸未禮部尚書兼學士李騰芳禮部右侍郎兼侍讀學士李
孫宸回部韓繼思為刑部尚書張慎言為刑部右侍郎

刑部郎中陳臣忠鑄三級調外晉承春等八人奪歲俸負外
郎蔣紹燦奪俸五月袁養和奪俸三月時逸重囚三人御札


設大炮城上

趣摠督楊春茂赴任毋面辭
諭郵故副摠兵申甫

甲申召戶兵工部尚書各科于會極門令註銷案牘各委給
事中一人查理六朝勒期奏報

左庶子丁進言政府蒙蔽引用匪人級應降三補左贊善

諭兵部傳文經略梁廷棟遣偵騎遠探如敵尚留昌平等處
即合剿如絕跡即督各將截于薊東約樞輔孫承宗督同祖
大壽于三屯營豐潤間聯絡犄角四面蹶之毋令間道繞掣




我後戶部即催外解收買糧芻工部市硝黃鉛藥製炮甲戰
車太僕調備馬匹京營選將領輕騎巡警盜賊京畿西山慰
遣良弱寧家張慶臻督通煤道順天巡撫按招撫流移寬卹
凋瘵良鄉編氓派民壯添設火器

南兵部右侍郎傅振商等入賀元旦為道梗疏聞命徐入
建一陷平永府先敵人伏文廟承塵上晨登守將楊春反城

導之兵備道副使鄭國昌知府張鳳奇推官盧成功盧龍教
諭趙允殖東勝衛指揮僉事張國翰武舉唐之靖等死之國
昌先令諸生擊楊春死中書舍人廖汝欽故副總兵焦延慶

守備趙國忠諸生韓原洞等俱力戰沒中軍程應珩罵賊被
殺建一登城即召故漢兒莊副總兵楊文魁曰昨歲三月囑
若內應何至今費我三日力乎鞭之三百廢將孟喬芳戶部
員外郎陳此心同知張萬壽諸生宋應元首降于是鄉紳某
某布政白養粹行人崔及第兵部郎中賈維綸一卜文燦
俱降明日降東門授白養粹巡撫永平崔及第兵備道副使
盧龍知縣張養初為永平知府兼縣事同知魏君謨為灤州
知州命養粹等覈郡縣庫二萬二千餘金粟六千餘石莖三
千石芻萬束建一欲焚掠各官說止之一慙一酋至東岳廟



故摠兵麻登雲侍側勞益喬芳等貂裘各一鼓吹而入
尋東行留子某稱留守王府命括城中金帛諸生廖師周粗
杖惡之籍其家同知楊爾俊辮髮不中程斬之選巨室女白
氏崔氏預焉白有殊色養粹女特飾獻者又遣聘遷安左部
左侍郎郭鞏女鞏遁拘其妻餘縣昌黎撫寧樂亭等縣力守
如故

丙戌逮遵化游擊趙宗普以私逃也
命瘞城外戰骸

諭戶部括京師官民牛羸運米于河西務給贍費事平叙賚

兵科都給事中張鵬雲言敵騎內犯半月矣諸臣所料理如
通州津安昌平山陵人皆知其必犯而不見布置之方遵
化以南有豐潤稍北平谷皆屬間道未聞竒伏偵騎不下三
百而敵之多寡杳然則司馬之責也各援將如雲如雨日費
本色數千石折色數千金今果沛然有餘乎不即求接濟則
司農之責也最亟莫如火炮而鉛石滾木等或闕或少則司
空之責也


丁亥文經略摠督援兵兵部尚書梁廷棟回部

內官周世德降南京淨軍

國權

崇禎三年

四



都察院請遣巡倉御史不許

戊子灤州陷知州楊濂迫于搜兵自刎太僕卿馮運泰先遁刑部主事陳垣奎奪歲俸

南提督大教場都督同知搃兵官陳洪範入援以洪範東人止之

建下攻撫寧四日不克撫寧去山海關三十里先以參將王惟正力守之轉攻昌黎還永平

已丑劉之綸報敵兵分往永平遵化屯遵化三千餘騎自東門連營五溪兒莊臣駐薊州俟兵到移三河求催通州糧以

濟搃理馬世龍亦至

建昌中軍白衍慶以白養粹義子遂勸主將馬光遠降

庚寅逮薊遼搃督劉策搃兵張士顯涿州知州陸燧

前尚寶司卿原抱奇劾韓爌招寇入犯鷓抱奇一級


辛卯先是陝西邊盜王子順號左掛子苗美遠連逃兵掠綏

德敗參將石在廓衆至三四千南下圍韓城破前鋒鎮搃督

楊鶴會劉廣生調兵

逮巡撫山西耿如杞搃兵官張鴻功

命劉之綸追敵及于遵化如回兵逆戰




癸巳兵部揭奏近旨禁塘報密奏抄傳邸報寂、或覽者謂
本部袖手視變漫無事、非其情實臣不敢不以白
乙未兵部言各省都司入賀元旦不即進命指叅之
韓爌致仕賜金幣行人孔聞標護行
巡撫河南范景文入援命守涿州時涿州叅將孫潭守涿州
畏警率衆託言追敵而逃下臺訊

丙申總督陝西楊鶴等至邵陽解韓城之圍斬三千級賊遁
復犯清澗之華家寺奔懷寧河官兵追逐數十里王子順以
百十二人降總兵杜文煥受之苗美分二部走宜川安定官
兵斬七十級更降三百十二人餘大奔苗美叔苗登營務復殺
差官褚國恩等嘯聚于安定仍掠鄜州中部宜君分巡河西
道蔣士忠總兵杜文煥擊賊敗之副總兵李卑倉屯都司艾
穆等大集賊黨苗虎復乞降

戊戌巡按直隸御史董羽宸奏殉難香河知縣任光裕良鄉
知縣黨還醇典史史之棟教諭安上達訓導李廷表駙丞楊
其禮宜邱光裕還醇各贈光祿寺丞之棟等各符給郵符歸
其喪贈之棟良鄉主簿

建、東向遣二騎持幟致書祖大壽求和孫承宗斬之建、



遂西承宗令游擊劉天祿設覆以待。


庚子建。屯永平城外十里。我伏兵雙望。參將孟道等誘至。字羅嶺。伏發大敗之。斬一百四十九級。兵氣少振。劉之綸報石門伏地炮殪。十餘人。

壬寅。候補參將周應乾奏請釋罪。撫王化貞謂妄託命下兵部論罪。

劉之綸屯兵遵化之娘。廟山。敵望而敵之中矢死。搃兵馬世龍在薊門不援。劉氏一軍全沒。初。巡按直隸御史董羽宸言之。綸不任戰。上責之。而之綸領新兵。初募四萬。出彰義門。

門已佚其半。素無紀律。特囂擾。以及于敗。之綸字元誠。四川宜賓人。崇禎戊辰進士。由庶吉士授官。累今秩。贈兵部尚書。廢錦衣衛指揮僉事。予祭葬。

高汝棻曰。劉之綸以小臣驟蒙知遇。非常之值也。驟昇崇銜。非常之舉也。書生而驟許設兵。望之殺賊。亦非常之責也。受非常之恩。宜償以非常之報。是以壯心一往。不恤輕進。勢難捨讓。必不欲與賊俱生。若人。而公也。則天下多立功報國之士矣。惟貪生畏死。所以藏頭蒙面。託言持重。不敢一言及戰耳。以是責備公者。謂死天下事。易成天下。



事難雖死而無益于事雖死何益果爾高枕不問任往
來于身得矣其若國計何


設遷曰方建發難時劉司馬抱趙貞吉之憤投筆請纓
兵將俱非素習名據其上而勢已輕矣潰決不支委七尺
于荒城之外司馬即無憾得不灰任事之氣乎握士為將
得不償失雖為時所訛要亦慷慨負流竒者流語曰士非
玉璧設者為戒其劉司馬乎

癸卯李康先改吏部左侍郎加二品服俸韓策刑部右侍郎
張鳳翼為兵部尚書總督薊遼保定洪承疇為右僉都御史

巡撫延綏仙克謹為右副都御史提督鴈門等關巡撫山西
宣府總兵官侯世祿以惟怯劾免
建下 攻昌黎三日知縣左應選守備石柱國拒卻之多殺傷
遂引去昌黎小邑獨抗賊人壯之

甲辰都督王威提督團營操練

乙巳都督僉事董繼舒為鎮朔將軍總兵官鎮守宣府
丙午前兵部左侍郎郭鞏逃入京奏乞師自述有書卻聘
上問其書云何鞏錄呈又做謝枋得語兵部尚書梁廷棟劾
其稱大金非法命下獄論死久之減戍廣西




設遷曰郭鞏嘗排周宗建致隸丹書其人褊激非宵壬傾
險者也塵沸鄉閭妻女為辱忘家告急救秦牆之哭一語
倉卒微文刺訛几陷大逆因誤書以快夙衅死灰更溺嘻
其甚矣郭氏可死彼白養粹輩不識何以寘之抑無以服
郭氏心也

丁未左應選同祖大壽追建于燕河等處多斬馘自是諸
路敢戰太抵非建乃棟漢零部也時建潛師飽颺官兵
無聞焉

罷兵部左侍郎程正己工部左右侍郎畢茂良劉可法

戊申瑞安大長公主薨

已酉時議中外七品以上官捐俸助餉上不許諭部院曰
設官圖治詔祿養廉朕方潔已奉公望諸臣而尚廩畫捐豈
此外更有入孔乎諸臣果真心為國興利剔弊朝廷受益何
必捐助朕今與諸臣約國家自有經制自有正供諸臣能嚴
核侵冒杜絕漏卮清償夙逋復完舊額則太倉自盈司空何
誣若大小事情俱從君父起見必忠必力毋圖身家之利而
貽害公家此即福國經邦第一策朕又安用鯁憂財乏乎
倘猶是沿習不變朕民肥瘠欺侵公課脩媚贈遺此不忠之



尤病國之最朕覺察所及定真重典以儆積偷惟爾諸臣其
憬思之

諭遷曰既諭止捐助而捐助者後且不絕也則前諭如弁
髦矣時廷臣俱例進獨順天尹劉宗周謂養廉不可廢真
一時矯也


庚戌以去夏逮故刑部薛貞未至謫刑部郎中曹師稷王繼
廉其貢外郎余昌祚鑄一級主事楊整綱鑄二級
命順天撫按令各屬課農其殘破處仍勸相給種寇難擾民
失業廢時朕深軫念爾撫按官宜加意拊循稱朕德意

祖大壽遣叅將張存仁帥騎兵都司劉雄帥步兵守樂亭昌
黎亦然協將王維城守臺頭營副總兵何可綱守石門馬明
英守燕河各上首功蓋山海關西南撫寧昌黎樂亭三縣城
西北則石門臺頭燕河三邊城俱灤永要徑也六城固可以
合剿寧前道兵備副使孫元化安輯關外八城斬獲首八
百有閩遠無虞督師孫承宗令祖大壽戍開平四百人關內
道副使王楫署都督僉事朱梅謀復建昌而建昌守將孫承
業千戶蔣若惠叅將畢尚信等密通款承宗令朱梅犒燕河
臺頭兵祖大壽以都司陳都可立等隨往安撫并購歸正人三

國權

崇禎三年

十



衛屬夷為建請款

陝西巡撫劉廣生甘肅巡撫梅之煥及總督楊鶴遣五路總兵吳自勉尤世祿楊麒王承恩楊嘉謨等先後率兵萬七千人入衛延綏總兵吳自勉領榆林兵沿途徵馬又逗遛賄放兵騎巡撫張夢鯨忽死邊盜王嘉胤陷府谷縣西揀漢虎墩兔憨以萬騎抵宣府脅賞原議四十萬金止括八萬予之

二月辛亥朔命予故都督滿桂孫祖壽趙率教等祭塋滿桂特

賜謚立祠

壬子進祖大壽太子太保

程鳳翀為戶部左侍郎總督薊鎮軍務兼巡撫順天

寧夏鎮西將軍總兵官尤世祿陛見命兵部立調處

甲寅逮湖廣荊州府推官許惠一以其貪暴不法也

乙卯吏部尚書王永光薦諸才邊才王之臣石聲諧曹文衛


程鳳翀王之采王繼謨

昌黎知縣左應選加山東按察僉事

張顯謨為鎮西將軍都督同知總兵官鎮守寧夏

國權 崇禎三年

十一



丙辰製 皇太子冊寶


程啟南沈演為工部左侍郎李成名宋槃為兵部左右侍郎
王國楨為添設右侍郎易應昌為左副都御史

丁巳官軍復建昌誅叛人白衍慶郭毓偉趙定國等

戊午祖大壽入建昌敵大至繞城而戰連旬斬百八十餘級
已未日講官 丁進罷

庚申冊立皇太子慈娘尋遣太監惠進舉栗宗周張應朝于
潤世通書各王府詔曰朕惟自古帝王嗣大歷服長治久安
莫不首重建儲所以定宗祧隆國本凝天眷而繫人心也我

祖宗列聖相承德祚綿洽率由此道以裕貽謀朕祇紹丕基
兢懷付託乃荷皇穹眷祐胤嗣早開長子慈娘睿託坤元祥
鍾震一中外起敬承之頌天人表協應之符昨歲文武臣民
疏請再三舉行冊禮而朕以子方襁褓謙讓未遑茲屆青陽
載仲之辰正值蒼昊誕彌之月禮官復申前請眾志誠難固
違爰攷舊章式諏吉日祇告天地宗廟社稷授冊寶封慈娘
為皇太子以仰承累葉無疆之緒俛慰兆人胥戴之情大典
告成環垓同慶所有寬郵事宜條列于後云々嗚呼位定承
乾恩覃甲翼惟嫡惟長萃全盛而衍重熙是鶴是敷保庶民



以歸皇極播告天下咸使知悉


官軍復遵化

癸亥進李標少保戶部尚書武英殿大學士成基命周延儒何如寵錢象坤並太子太保文淵閣大學士孫承宗太子太保並蔭中書舍人賜金綺已馳諭承宗曰卿元老壯猷中外倚毗朕閔事委卿付託甚重近日敵躡永平妄窺山海卿當審机戰禦制勝萬全摠兵祖大壽前鋒挫敵軍氣已揚今發二萬金犒閔軍軍士朕訓養有年必能奮勇殺敵祖大壽等赤心鼓憤朝論共推卿還宣布朕意徧諭三軍朕念卿與諸

將吏折衝勞苦日廛于懷卿須間道遣人飛報情形以便彼此策應上又遣鴻臚寺丞董用極渡海勅勞祖大壽等并發虬鱗甲紵之屬千餘賞功

司禮太監宋晉王永祚李鳳翔郝儒曹化醇各廕錦衣衛指揮僉事內官太監李承芳廕正千戶

乙丑兵科給事中陶崇道言梁廷棟在通州奏遵化三屯營易復良鄉同安難破自謂料敵神美今難者易者難矣又漕運摠兵久不用勲臣靈壁侯湯國祚等乘多事覬位廷棟故為兩可伺旨大臣固如是乎



丙寅起高弘圖左僉都御史許如蘭為右僉都御史整飭薊
州邊備巡撫順天蕭毅中為右僉都御史巡撫南贛汀漳
丁卯諭吏部曰國家求人惟求事理民安庸鄙之徒不堪內
外若拘資俸其人得矣如國事蒼生何且薦舉必甲科通判
多不肖以及堂司隱弊勢要閑說諸如此類通條來奏
建、又大至建昌官軍擊斬八十一級


工部員外郎陸澄源劾左都御史曹于汴不問降澄源順天
府照磨

杖工部主事方應明六十削籍以濬河不力見劾

謝陞為吏部右侍郎

刑部在繫霸州道副使周詩自經刑部郎中顧燕詒鑄一級
已巳錦衣衛南鎮撫司僉書張道濬言臣里居聞警入衛道
見吏部郎中龔世法御史劉芳乘傳入京中道退避又前御
史毛羽健所奏五問殆專為袁崇煥地命逮世法芳
庚午耿如杞張鴻功獄上論死
辛未周邦基張捷為大理左少卿米萬鍾為太僕少卿
皇次子慈烜殤

壬申陳仁錫為左春坊左諭德兼侍讀謝德溥為司業魏尚



寶為右通政

癸酉故

郭廣贈太僕少卿


甲戌劉策張士顯獄上論死

丙子代府宗人索祿遮巡撫張宗衡輿大譁

戊寅巡撫陝西宋槃憂去

先是禮科給事中葛應斗言我太祖諭足民食在禁末作足民衣在禁華靡四民各守其業不許游食民家不許銀繡誠有鏡于治源為萬世程至明也承平既久風俗日侈器服裝飾樂舞音容通于王公達于泉庶耻儉約而愚貞廉男則

女飾女則道裝嗟貧民八口終歲勤動水旱正供若難卒歲而富商大賈操奇平贏利獲倍于農金生粟死管子所歎我皇上首罷織造減珍羞節儉以先天下豈容臣庶侈靡隄制宜嚴禁之報可禮部覆曰近日胥吏莪冠切雲僮隸倡優錦綺曳地朱碧紅紫刺繡縈組日異月新一倡群效以至居室器用無不夸奇豪貴一筵抵窮民歲費無怪乎公私匱竭財用日耗簞簋多不飭也謹遵明旨逐款開定具一定品官士庶中帽及品官輿馬蓋扇一定士庶妻女衣飾一定品官士庶房舍一定僧道尼姑不許紵絲紬絹紗羅一定官吏



士庶之家林榻椅褥一定官吏宴會器皿用古銅器一禁民間賽會

庚辰禮部請故兵部尚書趙彥卹典以前撫山東釀寇冒捷不許


已卯候降刑部郎中陳臣忠求回籍不許謂謫官未補覲筮陞遷俱禁之

督師孫承宗以七百騎援總兵楊肇基于三屯營擊斬百三十四級肇基合擊建一斬六十六級

三月辛巳朔大學士李標罷


吏科都給事中陳良訓言祖宗設六科五十人各道御史百有十人歲二月八科陞正一人閏一人外一人道陞正一人閏二人外二人合百六十人決歲而十陞其一正陞論俸閏陞論資年來降調接踵資俸陞者無凡伏祈皇上察科道除二八月外無陞期除正陞閏陞外無陞法乞賜題補左副都御史易應昌署院事

壬午建一千騎抵房山縣有二人呼城下則良鄉萬千戶子某及千戶弟寶出為檄招降卻之已萬千戶至云都督榆林減調元降敵以房山陳效忠前任延安府同知時有隙調元



感勵求相見亡何率百騎通刺舊治生效忠答以待教生又
一騎大呼曰房山是金大定年設縣以護祖陵爾官吏宜出
迎知縣楊齊芳力拒之彼持斧來攻諸生李元勳彌愈曹欽
耿源下城說之曰既近祖陵人民不宜加害騎引去隨傳辛
卯祭陵及期果一二千騎經城北呼諸生八人陪祭九龍岡
蓋金章宗墓典生金榜臣亦往申刻敵退禮部請正文體從
之聞二人各一人合言二十八人各一人對其一一五對其
前御史劉芳下獄
督師大學士孫承宗言 皇上命梁廷棟調度各鎮援兵仍

令回部受事令勿推督兵大臣夫此大臣不過加武臣之掣
肘之上又加掣肘增文臣之觀望之中又增觀望况督將多
徼倖成功先立意見為卸過之端故無好水之先着而徒咎
任福之違令如今止以布置之緊為調度則廷棟與臣書言
閔永戰守言糧餉水運言奇正布置略具此臣所能亦中樞
見能也如控縱疾徐斟酌淺深則中樞所不能亦臣所不能
何也兵交原野受計帷幄變在須臾定謀千里勢有所不可
非獨才有所不能也乞皇上察臣之言止以中樞調度諸度
將至可進可止可守可戰令監紀諸臣隨在調戢既無掣肘



安得觀望。上是之。

癸未叙甘肅累捷功。總兵官董繼舒進都督同知陳洪範右都督張顯謨都督僉事徐永壽署都督同知張爾奇署都督僉事授紹宗副總兵加劉國棟吳三畏副總兵餘各有差

甲申故

韓獻明贈光祿少卿廕監祭酒顧錫疇以

庚午秋闈

皇上首科請廣制額從之

吏部左侍郎孫居相言邨報馬蘭路叅將張萬春通建下為之鄉導萬春本都人居月牙巷曾任京營千總中軍大號頭等官乞下巡城御史搜萬春家從之。

復故大學士張居正二廕

御史朱泰楨以柬囑文選司主事解學夔事發學夔調外謫

泰楨 府知事


乙酉下郭鞏錦衣衛獄

起閔洪學左都御史王之采右都御史兼完兵部右侍郎

丙戌南戶部尚書鄭三俊言六事預積蓄廣事例通權變議

勸輸議搜借議贖罪

工部主事李逢甲言用人聽言宜悉宜確刺大學士李標成基命謀國無能又梁廷棟司道之才宜有餘中樞之才不足



丁亥謝陞為吏部右侍郎
臨洮援兵露宿安定門外闌入民舍大闕聲炮都人以寇至
驚亂奔走

戊子刑部尚書韓繼思削籍罷左侍郎張慎言以耿如杞獄
上輕擬


御史徐尚勳劾吏部尚書王永光有三當罷五不可留
建下擾建昌都督朱梅遣劉邦成都督祖大壽遣劉應選力
拒之

兵部尚書梁廷棟議調東江兵于寧遠錦州分關外兵于薊

門督師孫承宗言東江原為牽制之用但據非其地若移于
要害足成牽制且可圖大其兵其民實十餘萬兵來則民不
獨留于舡渡恐不能急應且為邊防計在遼鎮不宜全用遼
兵又安可用之薊門也雖遼民無可疑事久變生一倡百和
合兩邊二千里宜防于始 上從之命副總兵茅元儀陳
繼盛周文郁往龍武中左右協牽制東江
戶部員外郎陳此心逃自永平命法司訊之

臨洮總兵官王承恩陞見

貴州都司陳謙等攻都勻叛苗敗之



己丑前軍都督府火

錢繼登託疾規避逮之

庚寅胡應台為刑部尚書韓策涂國昂為左右侍郎

許兵部左侍郎王國禎終始

辛卯祖大壽進兵石塘村擊之走之

壬辰吏科都給事中陳良訓調浙江右叅政御史田時震調

江西叅議黃仲暉調撫州知府

巡撫山東王從義劾免命范景文還河南

上聞兵部主事王建侯才特命賚餉甘肅

癸巳左副都御史易應昌糾御史史塗狂悖奪塗俸六月

工科給事中顏繼祖言諸臣捐助原未有銀先以數聞或隔
一二月至或累月不至何濟于急請令通政司遇撫按奏報
捐助驗無實銀不得封入從之


甲午進王永光少保兼太子太傅賜金三十紵絲二劉遵憲
袁可立魏應嘉各金二十余大成加太僕少卿薛國觀各金
十五葉大受劉永祚孫元化各金十以卻敵也永光辭不受
乙未魏光緒楊一鵬為太僕少卿一鵬東路光緒西路

錦衣衛都督同知徐本高為左都督劉儁等十一進二級南

國權

崇禎三年

二十



北鎮撫司威昌國等十人進一級指揮千百戶孫光等百四十各進署一級並東官覃恩

吏部會議故貴州巡撫李標非婪賄啟叛不聽命確數丙申兵科給事中陶宗道言臨洮援兵露宿安定門外本兵梁廷棟指居民可宿于是爭入民舍而闕前固原總兵楊麒憂援兵之餉廷棟曰民自有糧何得全仰戶部其發言召亂乞賜處分 上不問


左副都御史易應昌言八月八日得山西道御史史堃揭帖妮々千言述當日去國之由昨十一月堃于高捷具呈求啓

稱出自堂官傳諭河南道史代馮代收必俟曹于汴出國門而後反唇也于汴有恭陳職掌一疏臣廁名疏末其是否臣與于汴分任而堃疏一則曰堂官敢侮 皇上大叨為風塵憲之官當行當止何以操縱且恪遵職掌可謂之把持乎且冢臣初疏起用後疏亦曰俟院咨到日題補則冢臣已洒然于臣院之職掌不敢奪也堃獨心銜而反噬耶 上奪堃俸六月

葉茂才祭堃

陸彥章久不赴罷之

國權 崇禎三年



丁酉令惠安伯張慶臻以萬金採煤西山

今有司雇民舡轉運並給直戒閔津需索

南京江西道御史劉之鳳請舉謀勇止援兵練土者密偵探

選守令報聞

工部尚書南居益題開納事例

宣大撫夷總兵王世忠赴任

戶部奏揀漢修貢命舊賞即給新賞春秋分發該督撫頒行

王象乾所定賞額與今數有異著額報為永例

命餉部主事宋獻料理東江各島飢民不得以催餉留登州

戊戌改南企仲

吏部尚書傅振商兵部尚書馮英刑部

右侍郎並南京巡撫河南范景文為兵部右侍郎添設郝士

膏為右僉都御史巡撫河南沈珣為右副都御史巡撫山東

整理營田

京師火藥局災

庚子御史饒京言科場關節之弊命以後部科磨勘


癸卯劉定國為南兵部右侍郎

建下濟師萬餘人入永平會官軍敗于大安口馬世龍不救

建下更番復圍豐潤移屯榛子嶺聲言往灤永攻大城通州

崇禎三年

三



然喝竿自永平漸治歸計

甲辰祭酒顧錫疇奏叅監生胡煥猷橫議飛噬不循監規命
除名

設遷曰煥猷前上章排諸倖相有劉陶陳東之日矜激為
名不自鈐慎井喪其所守士毋以一節沾、觀于煥猷得
禔身之準矣

前禮部右侍郎蔡毅中上六經註疏

乙巳獲叛臣賈維鑰李致和

右都督陳洪範為提兵官鎮守浙江

議開涇水灌涇陽三原醴泉高陵臨潼之田

戊申戶科給事中許世蓋言三事省詔獄停駕帖免廷杖

陝西盜入山西犯襄陵吉州太平曲沃

是月威鼎自鳴

熒惑星入井分退而復留又入鬼宿犯積尸氣

四月庚戌朔呂維祺為南戶部右侍郎提督糧儲


辛亥吏部尚書王永光等請釋累臣喬允升等不聽

文選司員外郎吳鴻虞以遽推董中行鐫二級時議久任

朝鮮國王李倣奏辨通建之誣報聞

國權 崇禎三年

三



錦衣衛都督同知鄭其心王文烈累緝獲功進後都督

總兵尤世祿屯梁家橋建遣哈喇喇僧求款世祿令守備

和應詔于總虎大威往報總督張鳳翼糾其示怯

癸丑馬世龍克大安口

乙卯上齋居文華殿禳旱諭百官修省命成國公朱純臣

侯陳光裕告南北郊禮部尚書李騰芳告社稷壇溫體

仁告山川壇侍郎李孫宸告風雲雷雨等壇

故刑部尚書薛貞論死

東江舟師集南海口抵覺華島適劉興治以皮島叛興治故

將興祚弟也初興祚居開原衛陷于建重塔之名曰愛塔

及遼陽陷謀歸正癸亥春守金復令慕容金某通登萊總兵

沈有容渡海內應中軍王丙以告建訊興祚兄弟及李永

芳之子不承誅丙屠復州人十餘萬興祚等雖免而疑

之甚興祚因購毛文龍空札若干填同陷人名氏夜投各營

以試人向背迨曉來自理者無几嘗搗魚皮生女直陰曰毛

文龍密約在又日凌其妻相詬評先隔居越數夕擇貌類已


者醉之衣以已衣縱火劉氏兄弟哭曰愛塔自焚矣建一驗

之信不知其走皮島也戊辰春袁崇煥以聞官副總兵已已

國權


崇禎三年

古



夏崇煥殺文龍召興祚及弟興基。何建入犯崇煥興祚
謁孫承宗于山海關西而寧前道兵備副使孫元化委兵八
百人俾西援或疑之興祚不敢前承宗令鄭一亨靳國臣張
汝行王承胤石國柱同興祚合四千人專護永平建昌道臣
不可遂令一亨守豐潤興祚同臺頭營將王維新太平路將
睦自強建昌路將馬光遠永平道中軍程應琦襲建于青
山營官軍二千除夕大敗之興祚先登諳夷習故急莫能辨
斬五百九十二級畜產稱是還太平各歸鎮庚午元旦興祚
至兩灰口俄值建千數千騎馬不及甲步鬪殺傷過當突中

流矢死弟興賢被執先興治留皮島攝西協事素武健忍兄
死未卹又怨署島副總兵陳繼盛佯薦興祚諸將來唁殺繼
盛及調兵官王遠督糧經歷劉應鶴等十一人引眾迎兄興
沛于長山島大殺掠孫承宗以聞命承宗調戢兵部言劉興
治興沛據皮島以叛拘商船兵舡此不南走登萊西叩榆關
則縱橫諸島間據為扶餘是建之外又生一敵國矣今當
令總兵張可大回登州嚴兵以待龍武三營駐防覺華島檄
副總兵周文郁劉應龍前往相機招輯如定亂即佩大將印
且易登州道副使王廷試上並從之周文郁入皮島諭興



興治又督餉戶部郎中宋獻駐旅順島諭各將安輯承宗又遣諸生吳廷忠諭之興治等稍戢

設遷曰劉興祚雖連亡之餘食椹懷音百計營脫與宋之李顯忠魏勝何異青山之戰賈勇陷堅即身膏草野自當錄先登之績閔死綏之忠宗以廕贈彼興治輩將奮力圖報之不暇其敢桀驁以自騁乎本兵悠忽于島帥不幸後視若贅麗議內徙其兵民也屬非計及聞變倥匆廟議更憂海上矣世人覩于眉睫驕語遠略識者所以扼腕也初大兵集南海口命覈舊餉孫承宗密奏緩之上諭之曰

朕東事委卿聽便宜布置其用間須詳審勿墮狡謀搗巢牽制自是勝着清覈錢糧容徐俟之

丙辰南工部尚書杜士全罷


丁巳吏部奉命條列天啟時恩廕竝定奪

己未兵部左侍郎李世名

陝西邊盜苗美西奔官兵追至白家嶺多斬獲解散清澗庠生李攀龍遂殺美于賀家山

左都督史世載降右都督

壬戌賜故都督戚繼光表忠祠從其子錦衣衛南鎮撫司指



揮使昌國之請

祖大壽偏建于永平設三覆以待誘敗之殺其渠帥四人
遂薄城下時議恢復先遵化後灤永孫承宗謂屯豐潤玉田
以牽遵永當先灤州至是捷上有旨當來机用力灤永勿專
待遵城聲援致生遷延諸將因辦餉治攻具

癸亥禮官請遣官催取纂修天啟事蹟不允

丙寅前巡撫河南范景文言河南僉役大戶之累 上是之

劉榮嗣光祿寺卿為

丁卯貴州道御史畢佐周請倣嘉靖庚戌時議通涿昌平各

募練鋒勇設經略

都督僉事王業隆為總兵官鎮守貴州

工部尚書南居益鑄一級郎中王守履鑄三級時製槍炮不

堪令改造

馮保益抄傳密報下錦衣獄

辛未起靳于中南工部尚書

烏思藏僧來貢


癸酉故兵部尚書王于洽卒於獄仍議罪

甲戌孫承宗令叅將黃龍汪子靜攜攻其持十日糧赴樂亭

國權

崇禎三年

二七



昌黎游擊傅以昭屯撫寧副總兵劉應選鍾宇等屯樂亭叅將張存仁游擊孫定遠蔡可賢合大兵圍遵永。

丁丑許詹事黃士俊省養時父年百歲命有司存問

賊王子順陷蒲縣蓋山西自河曲保興以至蒲津千五百餘里與秦中隣河最狹賊自神木過河陷蒲已分二部東擾趙城洪洞汾霍西掠石樓永和吉陽賊號橫天一字王。

戊寅諭戶部講屯鹽良法

己卯宋可久申為憲阮震亨傳朝祐為給事中王之良吳履中孫徵蘭龔守忠姜思睿陳奇猷花園蕃李宗著王肇時等


為試御史

鳳陽大雨水

太白晝見熒惑復入鬼宿犯積尸氣占主秦亂

光祿卿何喬遠薦德行文章之士內及華亭布衣陳繼儒博綜典故諳通時務亦當加以一秩如先朝文徵明故事章下所司

延綏東鎮黃甫川孤山神木等堡設在衝邊砂磧木毛仰食山西大盜起山西斷渡軍民請開渡山西巡撫宋統殷奏令起盜之處不開、被盜者




五月庚辰朔癸未孫承宗誓師。

乙酉大兵向灤州先是建 知我發兵從開平監紀主事邱
禾嘉及豐潤總兵尤世祿求款且求代奏禾嘉以白孫承宗
及兵部世祿代奏 上切責之趣承宗曰閔寧兵將付卿討
定雙望之捷建昌之復非不有功敵尚盤踞內地且出入更
番引類狂逞我兵東西觀望絕無舉動卿亦蓄銳未盡激發
督率之方朕睠焉東顧爰蒸滄此弓弛騎汗敵騎將困不即
奮愾待秋高馬肥鳴笳四起始圖驅剿豈兵事堪茲留處飭
該部馳解餉金賞悉索廐馬續運本折資卿調度卿其環念

艱虞灼觀機會早振吞胡之氣務張捷伐之威稱朕眷意特
此馳諭承宗因檄總兵馬世龍屯豐潤待合擊檄總兵朱梅
以游擊靳國臣取遷安檄協將王維城路將馬明英張國振
同叅將孫承業劉邦域等候大兵趨灤州合攻以牽遷安之
南援檄中軍何可綱將叅申其祐游擊岳維忠等分雙望各
山牽永平之敵義兵游擊劉法守備劉啟職合萬三人屯灤
州之蓮泊各持白楮為聲援兼鄉導焉承宗駐撫寧祖大壽
來開平會之。

設遷曰庚午歲建 求款屢矣或曰乘其代請稍示曲折。



勝日後馬紹愉之專遣也。當時朝議堅誥師武臣猶爭先
處強高陽布置進止動中窾會故能恢復灤永不至為唐
之安西北庭宋之靈夏則祖大壽輩功不可沒也。其後徂
于前轍謂深入無害不妨徐俟其敝于是種禍莫可揀矣。
亦庚午事有以誤之耶。

河南飢多盜

丁亥日講官左春坊左諭德兼侍讀文震孟言臣講日輒焚
香告天願一言半語獲當宸聽竊見自逆醜匪茹聖心焦勞
然綜覈事功須挈綱領刑法雖竣猜疑漸啟于事未有濟也

故于君使臣以禮章勸培養士氣推心感人而辨賢奸酌用
舍尤憊。馬臣見命將出師莫有定美功罪未審絕少成緒
故于管仲器小章引管子言兵主不足畏則戰難勝也。臣必
當其位功必當其祿能必當其官信小人者失士心臣見群
小合謀欲借邊才以翻逆案故于子語魯太師樂曰章願剖
析是非辨別邪正曰一音雜而衆音皆亂一小人進而衆君
子皆廢今平生無耻恠殺諸賢之呂純如且藉輿援而思辨
雪矣。又見吏部尚書王永光假竊威柄橫行私臆故于甘誓
章言戰勝攻取非獨左右之恭命尤在六卿之得人。又見永




光年例變亂 祖宗永制考選擯斥清才故于五子之歌章
言識精明則環而伺者無所售其欺心純一則巧于中者無
所投其隙臣知 皇上天聰縱明猶為此語者則憂盛危明
之極思耳疏上命指呂純如慘殺奧援及王永光變制擯斥
一一實奏

夏允彝曰 烈皇帝登極以王永光為冢宰永光亦清執
王恭廠之變其疏獨侃侃或云此司屬張履端王陞所勸
為然亦永光之矯矯之徵也乃東林必欲逐而去之至光
永憤激為難引用袁鴻勳張道濬等再啟玄黃之爭實已

甚之故耳

己丑祖大壽抵灤州攻之明日總理馬世龍寧夏提兵尤世
祿延綏提兵吳自勉三屯營提兵楊肇基固原提兵楊麒臨
洮提兵王承恩及兵科給事中張鵬雲俱至城下提督張鳳
翼巡撫許如蘭監軍御史吳阿衡薊州道副使賈克忠四川
監軍副使劉可訓以提兵宋偉等攻遵化掣其東顧
辛卯復灤州官兵分攻梯而上建 出戰東門祖大壽預伏
弩大敗之始遁伏擊又大敗之走永平

壬辰復遷安




錦州叅將黃龍為征。前將軍都督僉事鎮守登萊東江龍
至皮島建。至擊敗之。耿仲裕倚兄仲明為奸利。陰與建
市龍計誅之。

癸巳復永平建。屢敗力不支而遁。何可綱等入之。諸將俱
至。孫承宗等檄監紀主事邱禾嘉等曰。彼走西北。遵化城必
虛。大兵躡擊。彼橐重而遲。易及也。仍輕騎追于塞下。祖大壽
如其言。至冷口。斬九十九級。馬世龍斬級亦如之。

流盜破金瑣。閔殺都司王廉。時提督楊鶴在耀州。調榆林道
副使張福臻。鎮將王承恩等赴剿。

甲午復遵化。提兵宋偉同。閔外副提兵謝尚政。川湖副提兵
鄧玘等先登。敵自北門遁。是役也。復灤州永平遵化遷安大
城四。各堡十二。轉戰三百餘里。斬三千二百餘級。俘二十二
人。并獲偽知府張養初。首擒偽都御史馬思恭。偽兵備道副
使賈維鑰。偽知州楊燭。偽都督李際春。偽守備呂及第。偽備
禦張克明。石國鼎。及內應柴通。朱運泰。卜文燬。其叛官內養
粹。崔及第為建。殺冷口外白養粹妻妾自經。其母與崔及
第張養初妻女皆在前太僕卿陳王庭削髮未任。孫承宗入
永平撫慰士民。仍回山海關。



乙未駙馬都尉侯拱辰司禮太監李奇懋往勘岷王府故岷
憲王子常寧王乾坤以失愛早夭憲王收其田宅逐其庶子
國英國僑及憲王薨長史以綏寧王長孫企錚報巡按御史
黃宗昌巡撫洪如鐘以國英事聞

庚子

傅懋禮闈入朝上章見糾特宥之

故工部尚書劉廷元卒浙江平湖人萬曆甲辰進士令南海
擢御史乙卯巡城五月張差挺擊論罪且指為風癩議者不
平庚申劾罷天啟乙丑啟太僕少卿歷南兵部尚書至今官
崇禎己巳論黨逆城旦

甲辰

神廟皇貴妃鄭氏薨謚恭恪惠榮和靖


戊申巡撫山西仙克謹宿清源公署盜詹永福刺之未誅克
謹劄籍

少師孫承宗以收復四路上露布曰天子萬年丕振累朝之
鴻烈聖王一怒廓清千里之妖氛九野懽騰三靈氣鬯恭惟
皇帝陛下聰明睿智文武聖神體天地之生成神化同流覆
載奉祖宗之法度治功邁跡唐虞防已密于未萌道更弘
于無外蠢茲妖孽逆我顏行結券養之犬羊作突奔之豺虎
既闌內地載躡東偏憫予赤子之流離恣爾蒼生之仰望然




窮兇極惡大罪方盈乃共憤同仇天威遠播于是兵部尚書
梁廷棟斷以成謀戶部尚書畢自嚴精以析計工部尚書南
居益萃以鳩工總督兵部尚書張鳳翼督餉兵部左侍郎兼
巡撫翟鳳翀駐涿州巡撫兵部右侍郎解經傳駐通州兵部
左侍郎范景文駐昌平兵部右侍郎侯恂巡撫順天許如蘭
提督綱紀操縱紀權兵科給事中張鵬雲戶科給事申玄默
工科給事中顧其仁申敬軍實磨厲將吏監軍御史吳阿衡
巡按御史董羽宸巡按御史張學問督餉御史沈猶龍巡漕
御史龔一桂恩布軍中法嚴閩外太僕少卿兵部職方郎中

余大成監紀主事邱禾嘉諮資職方郎中周夢尹筦閩職方
郎中陳瑾齋帑職方主事王凝祚閱兵職方主事安國棟略
預設鈐力嚴鎖鑰戶部郎中薛邦瑞閩內餉司主事刁化神
閩外餉司主事王四聰天津餉司樊維城薊州餉司主事蔣
範化通州餉司主事丁流芳負外郎路來賀傳國俊完運餉
司林弘衍密雲餉司主事孫士髦昌平餉司主事宋開春易
州餉司負外郎劉為瑤河東餉司郎中宋獻一勤鞭美載藉
著籌永平道張春閩內道王楫寧前道孫元化薊州道賈克
忠密雲道孫止孝四川監軍道劉可訓昌平道盧維屏遼餉




道張志芳天津道石聲諧霸州道方一藻易州道沈榮兼資
文武合蓄兵民總理各鎮總兵官馬世龍前鋒鎮總兵官祖
大壽三屯鎮楊肇基遼鎮宋偉延綏鎮吳自勉寧夏鎮
固原鎮楊麒臨鞏鎮王承恩提督京城王威昌平鎮尤世威
通州鎮楊國棟署平遼鎮朱梅立功總兵官竇承武倡予賀
和汝戮力同心臣承宗臣摠督張鳳翼同奉嚴綸共承蕃錫
以私門劍客合閭左丁男既牽制于河東遂合兵于閩右于
是巡撫許如蘭以帷幄籌美灤州摠兵官宋偉觀兵薊莖更
牽東謀之謀于是摠理鎮馬世龍統精騎健兒同摠官兵楊

肇基尤世祿楊麒吳自勉王承恩擐甲沙河兼綴西援之路
于是監紀主事邱禾嘉提戈開衛以共啟肱于是監軍永平
兵備張春聯騎樂亭以分犄角于是餉司主事刁化神同監
軍閩內道王楫握箸撫寧以供急饋于是征遼前鋒鎮總兵
官祖大壽以壯勇忠肝鼓仇讐義旅乃以署鎮朱梅所檄協
路副摠兵王維城等盟忠建路以覩遷安乃以臣所命中軍
副摠兵何可綱等拔旆盧峰以牽永郡乃以義兵營加銜游
擊劉法劉榮職等結綴龍山以張其勢乃以義兵營加銜都
司邵思忠宋三畏等隨征蓮泊以大其聲乃以祖可法祖澤



潤益道蔡可賢為左哨以韓大勳孫定遠曹恭誠為左協營
以佐之乃以張存仁黃惟正鄭一麟于永綬為右哨以羅景
榮孟繼孔趙國志為左協營以佐之乃以張弘謨劉天祿鍾
宇為次左哨而以黃龍左步營佐之乃以劉應選劉定邦李
正養為次右哨而以汪子淨右步營佐之乃以祖大樂祖澤
洪儲定邦劉定國于應選楊汝梅為後勁而以左夷營海參
代劉漢唐右桑營桑昂李正美張兩翼佐之于是祖大壽居
中勁中權以吳襄同竇承武統馬步漢夷鎮兵義兵十餘萬
而馬世龍尤世祿楊肇基楊麒吳自勉王承恩適至群推并

力四面分功合營先挫其前驅布陣隨摧其中壘惟東將負
直前之氣內薄先登乃東兵決必死之塗魚貫而上若夫雨
洗天兵而將奮風反火而樓焚六花雲掩八公草木變旌旂
之色七萃風行三籟雷霆雜鼙鼓之聲于是祖大壽設伏平
涼休兵上壁暗夾北奔之路佯開解網之方歸寇窮追盡殄
攬槍虎落八城載武仰依天地鴻恩于是斬國臣等以是日
入遷安九日環攻早寒孱膽于是何可綱等以次日入永平
凌晨西向遂褫驚魂于是張鳳翼許如蘭宋偉副搃兵謝尚
政亦以次日入遵化援桴屬士奮勇登陴七月盤桓三窟已



窮于狡兔十年仇耻一朝少雪于前矛盖金泉再合平灤龍
紀重開安喜盧河駝嶺頓還孤竹清風鹿角龜灣復見隆山
明月夾碣石而標漢幟挽大河以洗胡塵萬馬驕嘶一戰奏
合圍之勢六羸宵遁三方成破竹之形立綏士女子之苗盡
脫生靈于水火此皆我皇上以有征神略運不殺仁恩故
內決勝于成謨外握奇于獨運山河大地基隆百二金湯日
月中天明備三千禮樂萬姓仰光揚之武烈千秋頌赫濯之
聲靈風起雲飛真見四方猛士波恬浪靜應知中國聖人臣
等無至欣躍懼忤之至承宗又續報鄧玘等遵化斬五百五

十五級吳自勉灤州斬一百八十級合前露布共三千一百
五十八級


設遷曰四郊多壘卿大夫之耻今僅復四城雖師武臣力
而彼為蕞棄我為全瓦祇奏事狀足矣露布侈捷反耻以
示功高陽號經濟鉅公亦狗時為之耶

六月己酉朔馮銓為郭鞏訟寃謂論死非其罪

四川監軍道副使劉可訓為右僉都御史巡撫順天

都督僉事殷體仁為提兵官鎮守陝西王用予為提兵官鎮

守臨洮賀虎臣為征西將軍都督僉事提兵官鎮守寧夏



壬子左副都御史易應昌以輕擬喬允升等下錦衣獄成基命請改下刑部從之

王嘉胤攻陷黃甫川清水二營次日陷府谷縣據之

乙卯前東江副總兵毛承祿訴父文龍之寃不聽

庚申楊述程為兵部右侍郎巡撫宣府

癸丑王嘉胤兵二千人圍孤山堡榆林道白貽清遣都司殷

體信擊斬一百二十八級賊魁金務希伏誅賊悉遁入府谷

洪承疇杜文煥圍之賊夜分劫營官兵斬八十一級

辛酉禮部尚書溫體仁吳宗達兼東閣大學士直文淵閣

設遷曰前膺月連拔三相今夏又二之蓋意無舊相名廣

閣員實以速其去也

甲子先是遷安徐雲遠白瑜萬歷乙未進士瑜子養粹娶雲

遠女先後致訟及養粹陷逆雲遠以尚寶少卿頒詔畿內蒼


頭迺至天津被訊巡撫翟鳳翀具言其情時籍白養粹地四

十二頃有奇崔及第地八頃有奇楊熠孟喬芳楊文魁地各

有差俱盧龍縣

禳旱諭百官脩省


工部左侍郎沈演言未大創兵貴先入今援師集城下餘



十萬東江大帥雖死其兵尚二萬八千其地迫近。穴劉興
治與。鮮深可以計致。擇有机智恩信素著者撫定其衆勒
以効命自贖使悉銳擬其重地。必自疑愛塔素重于中。
內應必不少使以梟將夾攻蓋套旁收四衛以偏遼陽焚其
禾稼剪其游騎彼將自困乃封殖二衛復建海西此一勞永
逸上策也。或將才難得大舉尚遙則彼貢夷受我戎索二百
餘年其巢穴皆我故地今仍領賞仍為。假道順逆不分戎
心益肆宜乘此兵威草賞問罪衝其中堅驅其牛馬使買路
之資不足償失剪其羽翼而。自不逞中策也。又或以兵貴

萬全大征危事亦須大設軍容耀兵塞外將。所入之道開
塞令斷深溝陡塹以限。馬使高下險阻皆非故道乃以邊
內盡復墩臺如先臣戚繼光更加嚴密留銳師一二萬于各
口。廣間諜設瞭望。會合情形昭然目中先其未至出塞蹂
散之。兵不必多賄約各部偏敗衆乃攜矣此以攻為不能
及遠聊以固圍下策也章下所司。

設遷曰吾讀沈司空三策而歎于時俱非所用也。歷時動
衆言之易行之難。日者劉興祚來歸怨建。次骨勢不反
顧當事宜召問。今條列建。情狀彼多兵數多寡何若號



令進止何狀將領大小何若諸部分合何若宗威智勇何若戍守堅瑕何若一一採錄他日用為鄉導倍他間多矣彼建一深入胡地單虛假興祚為鋒潛出萬騎持十日糧隲遼河掩其後利則進否則疾返雖未即勝令建一知我不測援西突東將來未敢輕目我也今膜外真興祚毫無採擇惟攻一城則併援攻一堡則併守于彼已情形茫如也夫見在可用之人可乘之會而更思借箸坐待歲月亦計之晚矣嗚呼

乙丑宋統殷為右僉都御史提督鴈門等關巡撫山西王順

行為右副都御史巡撫陝西改許如蘭巡撫廣西

許西揀漢虎墩兔憨款貢


丁卯劉應遇為右僉都御史巡撫甘肅應遇先為商雒道平

漢南道故有是命

工部尚書南居益免郎中王守履廷杖削籍昨日試炮炸裂
戊辰故禮部尚書盛以弘贈太子太保


庚午諭兵部武場持拔技勇毋拘牽文法

辛未江西道御史張養言聖諭咨訪鹽屯臣于屯政未曉于
鹽法嘗巡視兩淮頗知得失謹列六事曰重邊商以准祖制



洪武間每引銀八分永樂間每引米二斗五升官征至薄商
利至厚無所謂餘鹽也餘鹽起嘉靖間開中本色每引至五
錢運司餘銀每引至八錢九塞艱阻商人不樂趨赴邊商止
有其名不過僉報富戶攬納則國家以餘銀奪本色之利也
今不能蠲餘銀亦當守正課商非本色不許開中引非邊中
不許行鹽曰禁浮課以絕占窩正鹽每引邊中五錢納運司
八錢引售內商餘費實一金循次派鹽嘗待數年或加引價
越次收利吏其利數倍如近日節商則有占窩黔吉等鹽無
不皆然浮引日增邊中之引日滯今若言增引宜均派邊中

之引庶占窩之少哉曰疏存積以應急需國初鹽法有常股
有存積歲常股七分存積三分常股謂常行鹽也存積謂積
鹽在場遇邊警開中令量增引目一二十萬綱商均派咸于
常股中納之准其超掣或輸金運司或輸芻粟營伍因事而
增事平而止曰草割沒以清宿弊兩淮掣鹽正數外零鹽作
論罪納銀曰割沒歲可得九萬金或十萬金解戶部蓋兩淮
歲引七十萬五千一百八十為銀五十六萬有奇則于歲課
六十餘萬之額不足故借割沒湊之因無定額百蠹叢生然
割沒以夾帶私鹽也因正課不足許商人夾帶明導之以私



不如每引加鹽百斤增餘銀二錢則歲額完而割沒可杜曰
專委任以責成功兩淮巡鹽御史例限一年所至雖止鳳廬
淮揚已歷四五月又兩次再京掣造冊復命須兩月鹽政凌
雜初未曉解迨得其緒迫于報滿嘉靖間太僕寺丞姚奎請
兩淮鹽臣擇選才識之人移家三年受代此議實可酌行曰
躬交代以防侵欺從來正官交代惟按差不拘離任後胥吏
為奸且兩淮鹽臣新舊面代章下所司


太監祝明階濫收軍器丁盛失驗錢糧俱廷杖

貴州糧儲道李 奏巡按蘇琰當安位力屈告急束身待死

遣謀託賊首劉養鯤引見琰屏左右密語賞花幣鼓吹導出
又送酒十甕白鹽二十包酒為金鹽為銀都司莊烈亦得重
賄于是餘民忿甚因把漢左之賓等來議款鄉官馬文卿等
赴院控阻俄眾集者萬人擊斃賊七人登堂喧哭罷市三日
督臣捕首事六人斬于市招安琰意在株連紳富逮七十餘
人臣等奉法成徒杖二十人猶橫罵不已臣勢不能留批勒
致仕有此憲典否

工部左侍郎沈演自製火器上之

故刑部尚書喬允升遣戍



壬申沈演閱視德陵工程

上齋居修省遣大臣分祭南北郊山川壇祈雨

癸酉順天府尹劉宗周上言祈天永命

寧前道兵備副使孫元功為右僉都御史巡撫登萊東江等
兼恢金復海蓋兵部贊畫主事邱禾嘉為右僉都御史巡撫
遼東兵部尚書梁廷棟以元化為劉興治所憚特用之

甲戌庶吉士黃起有周鳳翔孫從度解亂樾為編修陳美發
楊觀光徐沂吳廷簡劉其德朱兆柏胡世安為檢討魏呈潤
宋之普周純修李夢辰為給事中王邦柱王與亂白士彝為

御史李衍泗為禮部主事


乙亥南居益職任軍需不能率屬精辦致令侵尅虛糜及試
壞種一又共事諸人扶同虛奏殊非大臣體國之意削籍不
許推用

禮部左侍郎徐光啟為尚書

丙子改劉遵憲為工部尚書


修三屯大安喜峰冷口建昌等城堡

巡按陝西御史李應期奏臣提兵入援賊乘虛直圍韓城合
剿擒斬三百餘人宵遁今臣奉旨回鎮委剿總兵杜文煥分



巡河西道副使蔣士忠揭報盜見招諭又督撫令各道進兵
夾擊延安知府張輦領回兵于延川斬二級都司艾穆于清
澗無定河斬十八級盜始求撫蔣士忠遣故降人李光燧入
其營招諭王子順一名王之爵聖張述聖姬三兒俱降時神
一元一魁王嘉胤等掠延安慶陽城堡多陷搃督楊鶴主撫
不以聞鶴及陝西巡撫劉廣生各遣材官持牌崇四出招盜
魁黃虎小紅狼一丈青龍江水掠地虎郝小泉等俱先後給
免死票安置延綏河西而延廊間皆降丁矣然不聞殺耳其
淫掠如故村氓吞聲有司莫敢告寇患即成于此矣

兵科左給事中劉懋上言秦之流賊非流自他省即延慶之
兵丁賊也邊賊倚土賊為鄉導土賊倚邊賊為羽翼六七年
來韓蒲被掠其數不多至近年荒旱頻仍愚民隱附流劫于
涇陽富耀之間賊勢始大當事以不習戰之卒剿之不克又
又議撫之其剿也所斬獲皆飢民也而真賊飽掠而去矣且
撫也非不稱降群聚無食仍以劫為生名降而定非降也且
今年麥苗盡枯斗粟銀三錢營卒乏餉又三十餘月即慈母
不能保其子官且柰兵何哉開門納賊民盡盜也縛將投賊
兵盡盜也即新撫洪承疇力能辦賊抑能盡剿盡撫乎能為



無米之炊乎自非聖明慷慨數十萬金以收拾貧民補一年
闕以安撫飢兵又清盜之源惟責成督撫叅速貪酷有司甦
民生培元氣蓋近來貪酷成風民有三金不能供糧一金有
告捕一盜而破十數人之家有完一贖而傾人百金之產柰
何民不驅為盜乎至于兵曠伍且半役于司道半折于武弁
所餘老幼既不堪戰又不練習當責督撫清汰操練以備實
用也

山西流盜犯石樓永和破蒲州潞安等府官兵敗沒

七月戊寅朔王應熊為禮部右侍郎林釡為詹事各協理詹事

府解經邦為兵部左侍郎

沈演請陵工銀許之時總理工程太監孔文源

辛巳大雨竟日

癸未謝時雨 上宿文華殿

甲申 上御午門受俘誅賈維翰等

乙酉進孫承宗太傅張鳳翼太子太保廕錦衣衛指揮僉事
進祖大壽少傅提督軍門廕指揮同知宋偉為馬世龍並太
子太保尤世祿楊肇基太子太師吳自勉左都督餘文武官
各有差



丙戌兵部郎中李繼貞加尚寶司卿

己丑巡撫山西宋統殷蒞任壬辰即駐蒲州

辛卯兵部尚梁廷棟戶部尚書畢自嚴俱太子太保書廕廷棟錦衣衛指揮僉事王之采等各賜金幣


大學士成基命周延儒何如寵溫體仁錢象坤吳宗達並太子太保文淵閣大學士廕中書舍人

壬辰巡按陝西御史李應期奏慶陽守備李極值賊于廊定之雷公嶺陣沒直羅巡檢陳其佐被殺守備白邦政重創失戰馬四十三匹撫臣劉廣生稱疾不出邊盜日來未已而巡

撫延綏洪承疇亦移文告災巡撫山西仙克謹稱永寧州之孟門鎮有盜千餘勾陝西大同集口之盜合二千餘人蟻集蜂屯此時事之大可憂也

盜陷府谷縣御史王道直言盜起于飢請發兵餉銀買本色一從保德河路一從洛宜陸路庶几收拾人心解散黨附上不報

巡撫陝西王慎行蒞任報前日賊在木瓜園殺將破堡時邊盜飢民約二三千人口云南犯韓城以督臣遣游擊夏有啟領五百騎自耀州三原直出韓城蒲州又游擊李養棟五百



騎自慶陽葭州經洛川宜川躡賊之後都司許國忠領省兵
為援而叅將李早于六月戊辰後屢戰斬三十九級盜少却
不即南下王慎行尋引疾

庚子李孫宸為禮部左侍郎魏光緒為右副都御史巡撫湖
廣

辛丑山東海豐縣有石圍數丈餘忽自移五十餘步


壬寅總督倉場戶部尚書孫居相落職初戶科給事中楊時
化劾高平知縣喬淳婪虐事下撫按計估二萬三千金有奇
淳家京師上書求移訊法司且許時化嘗囑事見隙時化方

憂居通相居書有報札淳蒼頭嗾都門守卒搜奪之內云國
事日非邪忿益惡 上怒責居相對狀

丙午錢春為戶部尚書總督倉場

祭酒顧錫疇言文廟先賢自四配十哲外兩廡共六十二人
會典所載東自澹臺滅明至顏滄三十三人西自宓不齊至
步叔乘二十九人位次多紊于是漢儒次宋儒下有宋非所
以妥先儒也宋羅從彥李侗雖萬歷時從祀而實未熹父執
所從受學者也既從祀不可不論其世

八月戊申朔甘肅固原糧儲道叅政郭應響奏繳天啟四年冬



布花銀數 上以遲甚詰查戶部令回奏
辛亥御史塗史論罪督袁崇煥有旨崇煥主款致寇擅殺逞
私失悞封疆限刑部五日具奏錢龍錫私結邊臣下廷議
壬子時撫按薦留陞任監司求加銜久任吏部言具有礙銓
政從之

穆廟容妃韓氏薨

癸丑鄭宗周為太僕少卿

甲寅提督總兵馬世龍罷世龍玩寇入永平大殺掠

曹珍劉重慶為戶部左右侍郎曹珍督理邊餉

丁巳王嘉胤勾套下 二千人犯我師斬馘數十賊迫送縣印

遁去退守大小寬坤等寨佯乞降仍奪路走黃甫川

戊午工部左侍郎沈演言強兵裕民原有兩利之策天啟二

年臣嘗言建堡聚民八利保民即以保國謹錄前疏備採今


養兵費八百萬有奇久無變計物力何支定制立法當自畿

郡始人情憤盈則思困貧困則思離不于此時施金賑卹以

周其困鼓舞振厲以作其氣使勇于公戰如報私仇更何待

乎惟精擇守令委之事權而課其成如應張春左應選各假

京銜提督其間兩人能得人死力補助窮民然後進兵在



可收束伍簡銳以圖恢復廣屯足餉寬恤民力。上是之。
己未鄭以偉直經筵

巡按甘肅御史張覆奏西內附。上以事殆二十年

今日始覆邊政積玩至命下部申飭。

庚申故禮部右侍郎張邦紀贈尚書

辛酉改康新民戶部右侍郎宋師襄為太僕卿錢士貴為南

大理右寺丞

癸亥殺袁崇煥。上御煖閣先輔臣成基命等入對久之出

御平臺文武諸臣俱入諭曰袁崇煥付託不效專事欺隱市

粟謀款縱敵不戰散遣援兵潛攜喇嘛僧入城卿等已知之

今法司罪案云何諸臣頓首惟命。上曰依律家屬歲十六

以上斬十五以下給功臣家為奴今特留其妻子兄弟餘不

問輔臣頓謝。上問諸臣更何言輔臣曰其罪不宥遂命刑


部左侍郎涂國鼎監決因戒群臣洗心滌慮毋仍前欺罔問

戶部尚書畢自嚴曰各餉司侵壓本折屢至譁噪何久未覈

奏也對日新餉疏今日上舊餉疏明日上邊餉數已給七分

近兩年優于往日。上曰非優也彼何朝宗云何自嚴謝罪


崇煥字自如山東滕縣人萬歷己未進士知邵武以韜略自



調入覲加兵部職方主事監遼東軍旋加山東按察副使備
兵永平進寧前道叅政奪情守鎮以郤敵功加右僉都御史
巡撫遼東關外又寧遠郤敵加右都御史與魏忠賢有隙引
疾去崇禎初起兵部右侍郎添註尋加兵部尚書督師出鎮
遼東加太子太保以入援三日五賜金幣宣勞親為飲至而
遷延不戰至檀殺毛文龍朝議謂踐敵宿約至是聖諭袁崇
煥謀叛欺君結奸蠱國斬帥以踐約市米以資盜糧既用
束首陽導入犯復散援師明擬長驅及戎馬在郊頓兵觀望
暗藏夷使堅請入城意欲何為致廟社震驚生靈塗炭神人

共忿重辟何辭其家屬本當依律正法姑赦不論妻子流二
千里安置福建財產盡沒入官


設遷曰藤縣之于東陞亦勤勞多矣初經略高第議棄寧
前錦右果如其說則遼西將非國之有也賴藤縣力持成
寧遠之功邊士氣少奮伏鉞以來極受知遇兵勢不加之
于往日強敵尤迫于目前思以押闔縱橫出表餌之愚計
其失在懷諫怯戰避難規利也范仲淹答元昊書岳武穆
陰間劉豫古人未始無之時所用喇嘛非种世衡之清澗
僧王嵩耳今俱謂其通建下一時難民忍禍衆喙漂山而



爰書三尺真同反叛安能折其心使不斷地下哉嗚呼
成之辟之可也寸而磔之果法之平乎

夏允彝曰崇煥少好談兵見人輒結為同盟肝腸頗熱為
閩中縣令分較閩中日呼一老兵習遼事者與談兵絕不
閱卷或問之則曰士子宜捷者自有命在隨意抽取可也
斯豈執事必敬者乎寧遠一捷實為首功遂自矜為已
破膽必肯獻地講和自言五年滅了無成美給諫許譽
卿面叩之崇煥自言聊慰上望云爾給諫極言上英
明豈可浪對異日按期責功柰何崇煥悔失言遂以用人

措餉等事再請于上倘有不相應即可借為弛擔地不
意上之咸從所請也赴援都門召見即請以入城休息
上不可以三千騎入城請上曰三千騎亦不可所以疑
之者至矣而崇煥絕不悟也閣臣錢龍錫嘗問以遼事答
曰似當從東江做起錢謂舍實地而問海道何也且毛帥
未必可得力崇煥曰可用之不可用殺之此吾所優為
錢庸人也不以其言為意及斬文龍疏中即入錢語及
闌入朝端遂以殺文龍為崇煥罪而并及于錢龍錫矣
甲子諭舊輔錢龍錫背公逞私密謀主款袁宗款疏語已露



其終不奏聞并不重罰何以懲後削其職命法司確案擬罪
逮至論死

祭酒顧錫疇省養

乙丑丁魁楚為通政使馬鳴起為左通政

庚午刑部左侍郎劉策罷

辛未練國事為右僉都御史巡撫陝西

癸酉揮漢虎墩鬼慙擁兵偪大同巡撫張宗衡議戰總督魏

雲中議款御史白士遴言藉款以修守固守以待戰報聞

丙子曹珍為工部尚書徐國鼎程註為刑部左右侍郎


九月丁丑朔己卯黃甫川賊仍勾洪承疇杜文煥從孤山進
擊大敗之斬三百八十餘級山西兵殺獲亦三百十餘級賊
始奔潰

巡按陝西御史李應期請免全陝從前逋賦并趣新撫練國
事之任

諭廷臣曰袁崇煥通謀叛罪不容誅爾廷臣習為蒙蔽未
見指摘今後有朋比私行欺君罔上者三尺具在

壬午令戶科給事中覈邊餉

癸未左副都御史張捷議鼓鑄屯田權益亟宜講求良法章



下所司

乙酉進襄城伯李守錡太保廕錦衣衛指揮僉事

進閔夢得太子太保廕監康新民周士樸為戶部左右侍郎

丙戌林鈺府詹事府兼祭酒

巡撫河南邱兆麟卒

起傅宗龍太僕少卿監軍四川

諭吏部曰朝廷設官分敘爵秩優任才能近來人心日競銓

政詭隨如傅陞京堂本酬勞獎賢今則科道吏部司官視為

固有不諭賢否循例必浮至于監司知府官階隆重 祖宗

特選朝臣為之何以今日輕鄙若此背違舊制統習黨風若

不亟加挽正濫觴日久又將輕視京堂希榮卿貳矣今添註

閏陞一槩停止以後科道吏部司官果才品兼優者准陞典

司風力少遜陞知府若才品勞動並懋及司道卓異准予京


堂永遵為令敢朦朧奏行必實重典

辛丑京師大雷雨雹

巡按陝西御史李應期奏洪承疇同總兵杜文煥密計剿盜

承疇以游擊左光先領百騎文煥委副總兵趙大胤守備白

邦政護送為名適流盜白汝學等四千人攻綏德州叅將卜



應第拒卻之同王子順苗登雲等迎應期于城內縛斬五十
七人又次第搜斬四十一人先欲內應者也
巡撫陝王西慎行請借布政司三年來裁扣驛站銀三萬金
為募兵買馬費命下部議
陝西督糧道副使洪承疇為右僉都御史巡撫延綏
皮島劉興治襲建子青山鳳凰堡屢有斬獲孫承宗奏興
治斬三十餘級雖未足贖罪而決意樹功誓仇建下稍見其
心上褒答之

十月丙午朔卹錄入援故將王邦政文光等

辛酉夜月食

建謀合西揲漢虎墩兔慙犯冷水口


乙丑巡撫登萊孫元化請改朝鮮繇登州禮部議暫從覺華

島兵部以貢道改陸從海已七年忽改覺華島非便從之

丁卯應天府丞周爾登予告

癸酉禮科右給事中王猷言順天貢士俞世灝高岱金允治
俱武生籍

先是延綏大盜張顯忠等以五六千人掠靖邊安定綏德米
脂間攻清澗鄉紳惠世揚康運泰募壯士丁餘斬獲百餘級



洪承疇同杜文煥擊斬八百餘級獲頭目招撫十八寨共一千九百餘人

王嘉胤陷清水營殺游擊李顯宗已又陷府谷大盜李老豺于鄜雒中部間糾三千餘人攻合水縣提督楊鶴徵寧夏提兵賀虎臣馳剿

十一月丙子朔命諭諸將勤練軍士

己卯賀虎臣于盤谷擊敗擒斬六百六十餘級

祖大壽率兵出塞二百五十里至駱駝山襲建斬二百九十三級獲畜產二千四百有奇

甲申工科給事中孫晉言庶子丁進主考嚮關節實輔臣溫體仁私進于南御史黃宗昌劾進止奉旨降級體仁奏辦事初發除嚴究外別無他法俟得情之後真否既判罪有攸歸孰能寬之科臣職議論不難低昂臣職在看詳當揆其平耳


丁亥神宗皇帝實錄成

戊子神一元破寧塞縣

庚寅賀虎臣于寧州斬賊八十八級

壬辰德陵工凍沮俟春月

逮前經略遼東兵部尚書高第家灤州前聞警輒舉家



遁灤人立潰。

山西總兵官王國梁追賊于河曲發紅夷炮，炸我兵自亂，賊乘之我大潰。參將李春芳先逃，兵科給事中馬思理請誅此二人，再遣大臣督蜀將秦良玉與杜文煥犄角不報。


丙申關內官軍追斬中部賊八十五級。

十二月乙巳朔大盜神一元等三千餘人破新安邊營。

丁巳破寧塞縣據其城，殺參將陳三槐。


庚申圍靖邊三日，夜副使李若梓固守，微救至几陷。已巳勾，四千騎益圍靖邊三日，夜已陷柳樹澗保安等城。

杜文煥曰：文煥于庚午春二月督延綏固原官兵三千，便宜撫勸，遣官持檄諭降清澗賊王之舜等七百餘人，而苗美苗守義等以八百人遁去。官兵追美等于梁懷寧河，斬飛天夜叉等數百級，尋以餉乏駐綏德。三日美復嘯聚，潛伏小滴流山，再破之。追及白羅城山險，不能進，賊遣人約余過鄜州受降，遷延十日不至。予料賊必北去，移鎮安塞。縣晨至鉄葉寨，適與賊遇，單騎入其營，美叔登雲登霧皆下馬羅拜，而美復以百餘騎逃矣。乃遣都司王仲學二百騎追之，日不得美無還也。及之于賀家灣，賊黨斬美首以




獻而延東黃甫川積寇王嘉亂齊王等以延撫標下副將
李釗求貨于賊，憾甚夜襲破黃甫清水木瓜三堡洪公
承疇以鎮西將軍印推予討之予先擊齊王黃甫東山諸
寨以斷嘉亂聲援陣于山神堂佯退誘之返圍大破賊，
懼求入縣約嘉亂同降予不許勒兵誓衆四路俱進陣斬
王嘉亂王天雲張德黃一等東山諸寨俱下，而三堡之人
復歸守如故露布入告。上手詔褒嘉馬時大旱民飢延
安四郊賊大起米脂賊張顯忠所據十八寨聞予至陽乞
降，予亦陽許之，以為後圖，竟計清澗保安之寨諸賊，首

上天虎大敗獲其黨掃地王而橫天王隔溝飛點燈子等
向攻清澗縣亦奔延川南北白屹峪寺據險以守予分遣
副將三路合擊賊潰去又于安樂寺避賊塢諸處破賊二
里虎倒坐虎等俘斬八百人而府各餘孽王家用等復起
遂夜渡黃河陷山西河曲縣大司馬梁廷棟請拜予為大
將軍提督山陝臨寧四鎮兵兩省撥兵一萬以為標兵發
十萬金為行糧兩省巡視親履行間起運糧草紀察功罪
予至魚河聞命即馳赴河曲之郊家用向出掠無忌一聞
杜家軍閉門堅守其城天險又值沍寒官軍露宿雪中梁




公飛檄催戰予持不可曰冬月興師古人所戒今斷絕糧道使其自困來春可一鼓下也會得靖邊李若梓羽書云寧塞飢軍神一元等攻陷西路新安邊寧塞營柳樹澗三壘且以重貲勾誘靖邊勢甚岌岌寧塞為予所居宗人等皆被其難予乃留曹文詔合晉兵以圍河曲拜表而行神賊聞之遂棄寧塞陷保安勾套使入予亦以威信無為賊用套曰賊詒我以將烏合實不知杜公來且我四十八台吉猶畏公不敢抗今日敢與公戰乎然多受賊金弗忍棄請說令面縛轅門可也及套與賊合將挾套合犯西

安套疑未定予分布諸將塞賊南下要路親移師擬直搗套巢套駭語賊曰今不得復顧汝矣飛騎馳出寨迎予曰願以千騎從公共破賊予止留百騎以五百人服其裝為前鋒賊自套歸不能支吾從間道奔往合水縣出不意據之以頓其孥尋圍慶陽府予軍至前鋒麾之曰我台吉也已降杜公若輩不早服俱死矣賊奔不可止斬首七筭先是賊偽降搃督楊鶴楊與予有禮節之嫌乃剗撫異見遂信神一魁力主款且出示曰一魁就款已題寧塞安插官兵如妄殺一賊者兩兵抵償予嘆曰賊襲陷寧塞畏我而



迺今借名城為盜資我宗人可與賊同處此土乎遂徙其
家以去時韓城西安又告急于又有芝川之捷腹背夾擊
賊大營俱潰闖點二賊突圍走河濱山寨據守予移鎮撫
鎮計日蕩平而楊鶴以主剿礙其撫局百計中傷予以此
得罪而一魁復行據叛闖點四出山西等處以提督既去
不復守河賊從延水關潛渡蔓延豫楚遂成燎原之勢矣
壬申丁魁楚為右僉都御史巡撫保定姜曰廣署南京祭酒
兵科左給事中劉懋上言之餉莫若搜之本省為便秦中八
院各有公費有吏承犒賞司道府廳亦有公費有修理銀各
州縣有備用積穀等項巡方賑罰除解京外有餘剩貯庫不
足則再益之驛站裁節計通省筭可得六七萬金而其召募
莫如簡練衛久兵為久長之計并嚴虎貪官疏入不報



國權

鹽官設遷孺木著

崇禎四年辛未

正月乙亥朔 上御殿是日風霾

丙子吏科都給事中顏繼祖言故事歲暮祭太廟陪祭官子
初既朔早赴午門謝昨文武僅十餘人西班牙一御史朋友
之饋非祭肉不拜友既如此况君賜乎陪祭則印纓綬若謝
昨則落落晨星臣所不解也 上切責諸臣宥之


刑科給事中吳執御言加派不可從且云近日奉旨議者皆

國權

崇禎四年

一

國家圖書館, NATIONAL CENTRAL LIBRARY, TAIWAN, R.O.C.




憑臆而作謬語奉旨推者皆隨聲而循當事倘以 皇上日月照臨其上復賜宸斷以行諸臣誰敢不竭其肝胆即大臣誰敢執私意以熒惑乎 上責其回奏
已卯夜盜陷保安巡撫遣副總兵張應昌擒斬一百七十三級神一元死第一魁領其衆

庚辰吳執御言掣籤之法創于冢臣孫丕揚以探丸之智為挈瓶之守在當日公行之尚失政體况近日假公以濟其私乎特請宸斷罷之此吏治第一義也若撫按所舉卓異諸臣乞進之于廷隨聖意或詢以時政人才或地方利病俾據實

口對因察其賢否才庸而甄別焉則 皇上之日遇賢于諸臣之早食百倍矣命部覆議

辛巳復試順天貢士俞世灝金允治高岱命岱除名

壬午孫承宗出關由前屯寧遠抵松錦庚寅由三道關歷石門燕河偏關三協十二路由石塘路過平谷經盤山入薊州而還條上邊事曰先封疆大臣曰先八部大帥曰分戰守曰薊鎮備守曰遼鎮備戰曰合薊遼兵守曰防揀漢曰復城邑上善之于是有大凌河之役議修築兵部尚書梁廷棟主之後廷棟去朝議撤工且責撫鎮回奏邱禾嘉懼盡撤防兵留




班軍萬人運糧萬石以給之。承宗曰：且未撤兵，敵至而戰上策也。據見糧以守中策也。委空城疲敵下策也。
癸未流盜掠平陽
甲申吳執御回奏臣見戶部題覆云今日生財無踰加派夫古今生雖曰多財有以賦民為生財者乎所謂憑臆而作謬語也。去年十一月兩廣提督關吏部會推尹同臯奉旨回話借墨線以解當日皆銓臣執物主推而預推諸臣唯：惟命所謂隨聲以徇當事也。若此二事私乎非私乎？熒惑有其漸矣。上責其支飾。

河南巡撫郝士膏罷

右春坊右中允兼編脩黃道周奏救錢龍錫調外初逆璫一案諸奸憾龍錫欲借袁崇煥亦起一逆案以相報因龍錫以羅及諸臣周延儒溫體仁實主之欲發自兵部而尚書梁廷棟始與謀旋悔不肯任又以：上英斷不能遽起大獄也。至是道周疏上延儒意稍解
已丑顏繼祖乞武進士未授秩者給銜盡東征聽遼東登萊二撫調遣不許

庚寅王嘉胤渡河掠蔡菜園溝



甲午進午門大朝鼓

丙申吳執御言理財加派原不得已之心而姑行之其停止或年外遲或三年然不可不即停者近畿保定河間等六府地多砂磧此二十二萬減之有何損于涓埃哉至捐助搜括二者尤難為訓有旨加派原不累貧捐助聽之好義惟搜括滋奸若得良有司奉行撫按稽察亦可不至于病民

諭曰陝西屢報飢荒小民失業甚迫而從賊自罹鋒刃誰非赤子顛連若斯誼切痛癢可勝憫惻今特發十萬金命御史前去酌被災處次第賑給仍曉諭愚民即已被脅從悞入賊

黨若肯歸正欲為良民嘉與維新一體收卹

己亥命御史吳牲賫帑金十萬賑陝西飢招撫流盜

余大成何應瑞為右僉都御史巡撫山東河南

吳士元為國子司業


戶科給事中杜三策奏臣于三年六月抵閩造船委中軍官楊鍾會于廣南買物料出洋被劫訴于海道下廣州知府徐在中訊其真偽而囚之且杖死以快賊乞嚴究在中等從之命逮在中下法司論死

庚子停浙江貢士龔廣生會試三科廣生大考卷代書提學

國權

崇禎四年

四



副使鄒嘉生磨勘奏上

罷總兵杜文煥以去冬十月二十七日在延川縱部將李重榮殺鄉民曹孟孝等男婦百九十九人知縣王道行呈驗于按察使李天經為御史吳姓所劾

內監鄧文詔訐奏遼薊總督曹文衡

癸卯副總兵曹文詔擊王嘉胤斬三百二十六級朱天麟戰史村斬二百七十二級降二百七十餘人

寧武總兵孫顯祖言聞喜稷山賊二十餘萬日剽日益官兵不過二千奔逐不支乞再發京營或調邊騎五六十夾剿命


下兵部委該督專制總督張宗衡以兵餉並乏竟無確籌

二月乙巳朔羅汝元為右通政

召廷臣于平臺

已酉少保大學士周延儒何如寵主禮闈又與頭文共禱四辛亥夜定邊營降丁大譟蓋闕餉五旬各求散守備張天禮同游擊馬科巷諭乃安降丁仍逃二百餘人亦前曹文詔所收山西降盜也以文詔智勇之帥其部卒之狼心鷹眼者尚復如是然則用兵于凶荒之地豈易言哉

壬子總兵賀虎臣杜文煥等合軍圍保安神一魁勾奪于



餘騎突圍出諸軍怯走一魁糾眾數萬劫寧夏都指揮王潰
兵潰各道將兵進寇棄城南奔

丙辰吳光義為右副都御史巡撫河南

戊午神一魁至慶陽破東關游擊伍維藩等擊斬五百餘人
己未叅將張全昌以巡撫練國事令遼洛川鄜州之賊至是
戰于梁家嶺盜四營半迎戰斬六十七級又追敗之共斬四
百十六級

庚申告急請帑不許

戶部

壬戌四川建昌夷羅二千餘人作亂

癸亥秦聚奎為南光祿卿

丙寅福建流盜數千人自長汀賴坑突犯瑞金縣教諭王魁
春署邑令諭民卻拒之擒三十餘人斬四十餘人盜走福建
古城

丁卯刑科給事中吳執御言督學一官紀綱學校近日多徇
情鼻人萬歷初議吏禮二部會舉學行著聞者久任責成臣
謂尤宜慎擇其人于未任之先然後責以久任若教官在貢
士宜儆永樂間單用一榜一切乞息近例不及改教俱罷在
歲貢應勅提學官歲選年壯品純者送廷試部用其龍種老

